



COMUNE DE OTZANA

PROVÌNTZIA DE NÙGORO

CÒPIA

DELIBERATZIONE DE SA GIUNTA COMUNALE

Nùmeru 50 de su 31-05-2023

Ogetu: DECRARATZIONE ISTADU DE CALAMIDADE NATURALE PRO SA DIE DE SU 28 MAJU 2023.

S'annu **duamìgiabintitres**, su **trintunu** de su mese de **maju** a sas 4 e mesa de borta de die, in sa Sede Comunale, apositamente cunvocada, s'est abbojada sa **Giunta Comunale**.

Risurtant presentes/assentes sos Segnores:

Saba Franco	Sindagu	Presente
Pittalis Stefania	Assessora	Assente
Madeddu Salvatore	Assessore	Presente
Pittalis Barbara	Assessora	Assente
Soru Sofia	Assessora	Presente in video cunferèntzia
Totale Presentes 3		Totale Assentes 2

Assumet sa presidèntzia su Sìndigu Franco Saba.

Assistit a sa sètzida su Segretàriu Comunale Dut.ra Antonina Mattu in video cunferèntzia.

Su Presidente, cunstatada sa legalidade de sa sètzida, cùmbidat sa Giunta Comunale a esaminare e a assùmere sas determinatziones subra sa proposta de deliberatzione indicada in ogetu.

<i>Sugeta a ratifica</i>	<i>Nono</i>
<i>Dereta esecutabile</i>	<i>Eja</i>

SA GIUNTA COMUNALE

SA GIUNTA COMUNALE

PREMÌTIDU chi pro su 28 Maju no est istadu emanadu perunu avisu de criticidade dae su Servìtziu Regionale de sa Protetzione Tzivile e chi dae sos Bulletininos emanados dae su matessi servìtziu beniat decrarada s'assèntzia de sos fenòmenos de importu prevedibiles;

CUNSIDERADU chi subra su territòriu de su Comune de Otzana su 28 Maju 2023, si sunt averiguados abba forte meda e istraripamentos de sos canales cun allagamentos sighidos de terrinos agrìcolos e dannu a sas istradas rurales e a sas colturas agrìcolas e allagamentu de abitatziones tziviles;

CUNSIDERADU, finas, chi su territòriu comunale intreu est istadu interessadu dae abba meda meda chi at fatu dannu de importu mannu a sa viabilidade rurale e a sas colturas de diferentes atziendas agrìcolas e zootècnicas;

Tratende-si de situatziones de emergèntzia risurtat netzessàriu fàghere fronte a sas conseguèntzias de custu eventu cun mèdios finantziàrios istraordinàrios pro afrontare sas situatziones in prus de sa situatzione de perìculu residuu pro sas istradas chi sunt impreadas dae sa colletividade chi pro sos dannos a sas colturas, a sos animales, a sas atretzaduras, subidos dae sas atziendas agro zootècnicas e a sos privados tzitadinos;

RITÈNNIDU duncas, chi sa situatzione chi s'est agatada debat èssere cualificada in tèrmines de calamidade naturale, cunforma a s'art. 1 de sa lege regionale n. 28 de su 21.11.1985;

BIDU su decretu Legislativu n. 102 de su 29.09.2004 comente modificadu dae su decretu legislativu 18/04/2008 n. 80 – dannos dae calamidade naturales, eventos etzetzionales o cunditziones de tempus malu;

BIDA sa lege regionale n. 3 de su 17.01.1989 – interventos regionales in matèria de protetzione tzivile e in particolare a sos artìculos. 7, 8 e 9;

ATZERTADA sa pròpia cumpetèntzia, cunforma a s'art. 2 de sa lege Regionale muntovada n. 28 de su 21.11.1985, in base a su cale s'istadu de calamidade devet èssere decraradu dae su comune interessadu cun delibera de sa giunta comunale;

RITÈNNIDU chi bi sunt sas cunditziones pro reconnòschere e decrarare s'istadu de calamidade naturale pro totu su territòriu comunale;

BIDU su D.Lgs. n. 267/2000;

BIDU s'Istatutu Comunale;

Cun votazione unànime,

DELÌBERAT

Delibera de Giunta n.50 de su 31-05-2023 Comune de Otzana

Pro sas motivatziones espostas in premissa,

DE DECRARARE, cunforma a s'art. 2 de sa lege regionale n. 28 de su 21/11/1985, s'istadu de calamidade naturale in totu su territòriu comunale pro s'abba meda su 28 Maju 2023 e de sinnalare sa situatzione calamitosa cunforma a s'art. 7 de sa lege regionale n. 3 de su 17/01/1989;

DE DIMANDARE a sa Regione Autònoma de sa Sardigna: Sa decraratzione de istadu de calamidade naturale e sa cuntzessione de agiudos econòmicos a su Comune de Otzana pro sos dannos subidos a sa viabilidade rurale cunforma a sa normativa giai muntovada de cuntzèdere agiudos econòmicos a sos pastores e massajos e tzitadinos privados. De fàghre cun àteros atos imbenientes sa cuantificatzione de rechestas de rimborsu e indenitzu pro su gastu sustènnidu e sos dannos averiguados a pustis de s'eventu metereològicu istraordinàriu de su perìodu tzitadu in premissa;

DE INBIARE su presente atu a:

- Presidèntzia de sa Regione Autònoma de sa Sardigna;
- Prefetura - U.T.G. de Nùgoro;
- Assessoradu regionale pro sa difesa a s'ambiente – Casteddu -
- Assessoradu Regionale agricultura e riforma agro pastorale – Casteddu
- Agentzias Laore e Argea;

DE ISTABILIRE chi bi sunt sas cunditziones de urgèntzia pro s'aprovatzione de custu atu bida sa netzessidade de programmare sos interventos in atòngiu, decrarende chi siat deretu esecutiva custa deliberatzione cunforma a s'art. 134, comma 4 de su TUEL.

Parres cunforma a s'art.49 de su Decretu legislativu 18/08/2000 n.267 Testu Ùnicu de sas leges subra s'ordinamentu de sos Entes Locales	
PARRE IN ÒRDINE A SA REGULARIDADE TÈCNICA	Favorevole <i>Die 30-05-2023</i> Su Responsàbile de su Settore Tècnicu <i>f.du Ing. Pier Franco Loriga</i>

Lèghidu, aprovalu e sutascritu a norma de lege.

Su Presidente
f.du Franco Saba

Su Segretàriu Comunale
f.du Dut.ra Antonina Mattu

ATESTADU DE PUBLICATZIONE

Sa presente deliberatzione benit publicada in s'Albu pretòriu informàticu comunale in die de oe, pro 15 dies s'ghidas e finas a su 21-06-2023, cunforma a s'art. 37, comma 3, de sa L.R. 04/02/2016, nr. 2.

Su, 06-06-2023

Su Segretàriu Comunale
f.du Dut.ra Antonina Mattu

**ESECUTIVIDADE DE SA
DELIBERATZIONE**

Sa presente deliberatzione est esecutiva:

Dae sa matessi die in sa cale sa delibera est istada adotada in cantu de crarada deretu esecutabile cunforma a s'art. 134, comma 4, de su D.Lgs. n. 267/2000.

Su, 06-06-2023

Su Segretàriu Comunale
f.du Dut.ra Antonina Mattu

Est còpia cunforme a s'originale.

Die,

Su funtzionàriu incarrigadu